

II – AKTI OPĆINSKOG NAČELNIKA

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK

Broj: 02-05-5702/10

Dana, 02.11.2010.godine

Na osnovu člana 29.Zakona o ustanovama („Službeni list R BiH“, broj 6/92 i 13/94), člana 39. Statuta Općine Zavidovići („Službeni glasnik općine Zavidovići“, broj: 5/08 i 5/a/08), a u vezi sa članom 33. Pravila Javne ustanove Centar za socijalni rad Zavidovići, Općinski načelnik Zavidovići, donio je

RJEŠENJE**o davanju saglasnosti na izbor direktora Javne ustanove
Centar za socijalni rad Zavidovići****I**

Daje se saglasnost na Odluku Upravnog odbora Javne ustanove Centar za socijalni rad Zavidovići, kojom je Muslić Ševala, socijalni radnik, izabrana za direktora Javne ustanove Centar za socijalni rad Zavidovići.

II

Rješenje stupa na snagu danom donošenja, a objavit će se u „Službenom glasniku općine Zavidovići“.

Obrazloženje

Javna ustanova Centar za socijalni rad Zavidovići obavijestila je Općinskog načelnika Zavidovići da je Upravni odbor navedene javne ustanove raspisao konkurs za izbor direktora u Javnoj ustanovi Centar za socijalni rad Zavidovići.

Javna ustanova Centar za socijalni rad Zavidovići – Upravni odbor, dopisom broj: 01-07-848/10 od 25.10.2010.godine, zatražila je od Općinskog načelnika Zavidovići saglasnost za izbor i imenovanje direktora. Uz dopis dostavljena je Odluka Upravnog odbora Javne ustanove Centar za socijalni rad Zavidovići, o izboru i imenovanju direktora navedene javne ustanove, broj: 01-07-05-3-846/10 od 25.10.2010.godine.

Upravni odbor Javne ustanove Centar za socijalni rad Zavidovići na svojoj sjednici održanoj 07.09.2010.godine donio je Odluku o raspisivanju konkursa za izbor i imenovanje direktora Javne ustanove Centar za socijalni rad Zavidovići koji je dana 28.09.2010.godine objavljen u Nezavisnim novinama „Naša riječ“.

Rok za prijavu na konkurs bio je 15 dana od dana objavljivanja u javnim glasilima, a na isti se prijavio samo jedan kandidat, Muslić Ševala, socijalni radnik, dosadašnji direktor.

Na sjednici Upravnog odbora Javne ustanove Centar za socijalni rad Zavidovići održanoj 25.10.2010.godine razmatrana je prispjela prijava, te je utvrđeno da je ista formalno ispravna, tj. potpuna i blagovremena, kao i da kandidat u cjelosti ispunjava opće i posebne uslove iz konkursa. Na istoj sjednici Upravni odbor je jednoglasno izabrao Mulić Ševalu, socijalnog radnika za direktora Javne ustanove Centar za socijalni rad Zavidovići u sljedećem mandatnom periodu od četiri godine, koji počinje od 04.11.2010.godine.

Cijeneći sve navode iz dopisa, a u skladu sa odredbama Zakona o ustanovama, Općinski načelnik općine Zavidovići nalazi da izabrani kandidat ispunjava uslove iz Zakona o ustanovama i Pravila Javne ustanove Centar za socijalni rad Zavidovići, te da je postupak izbora proveden u skladu sa Zakonom o ustanovama i pravilima Javne ustanove Centar za socijalni rad Zavidovići.

Koristeći se ovlaštenjima iz Zakona o ustanovama, Statuta općine Zavidovići i Pravila Javne ustanove, Općinski načelnik općine Zavidovići donio je rješenje kao u dispozitivu rješenja.

OPĆINSKI NAČELNIK

(M.P.)

Hakija Osmić, dipl.ecc., s.r.